

Bosna i Hercegovina
-Federacija Bosne i Hercegovine-
TUZLANSKI KANTON
Skupština
-Služba Skupštine-
Broj: 02-11-563-9/22
Datum: 03.11.2022. godine

Na osnovu člana 70. st. (1) i (4) a u vezi sa članom 69. stav (2) tačka e) Zakona o javnim nabavkama ("Službeni glasnik Bosne i Hercegovine", br: 39/14 i 59/22), sekretar Skupštine Tuzlanskog kantona d o n o s i

O D L U K U
o poništenju postupka javne nabavke

I.

Poništava se postupak javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2023. godine iz razloga što je cijena zaprimljene ponude znatno veća od procijenjene vrijednosti nabavke i osiguranih sredstava za ovu nabavku.

II.

Ova odluka stupa na snagu danom donošenja, i u skladu sa članom 70. stav (6) Zakona o javnim nabavkama objavit će se na internet stranici Skupštine Tuzlanskog kantona i dostaviti ponuđaču koji je učestvovao u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-563-1/22 od 17.10.2022. godine, putem konkurentskog postupka javne nabavke a procijenjena vrijednost javne nabavke je 17.094,00 KM bez PDV.

Obavještenje o nabavci broj: 1062-7-2-42-3-2/22 od 17.10.2022. godine u 13:26 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu Ugovora, shodno odredbama člana 64. Zakona o javnim nabavkama je bila najniža cijena tehnički zadovoljavajuće ponude.

Za predmetnu nabavku, tekst tenderske dokumentacije Konkurentskog zahjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) Zakona o javnim nabavkama, uputio poziv za preuzimanje tenderske dokumentacije sa Portala javnih nabavki na adrese 3 ponuđača.

Zahtjeva za pojašnjenje tenderske dokumentacije u predmetnom postupku javne nabavke nije bilo.

Komisija za provođenje predmetnog postupka javne nabavke imenovana Rješenjem broj: 02-11-563-4/22 od 19.10.2022. godine (u daljem tekstu: Komisija), je dana 28.10.2022. godine u

11:00 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, u kojem je konstatovala da je u predmetnom postupku blagovremeno zaprimljena jedna ponuda.

Nakon otvaranja ponuda Komisija je izvršila pregled i ocjenu prispjele ponude, te sačinila Zapisnik o ocjeni ponude broj: 02-11-563-9/22 od 01.11.2022. godine, u kojem je konstатовano sljedeće:

U navedenom postupku javne nabavke prispjela je jedna ponuda i to od ponuđača HARFO-GRAF d.o.o. Tuzla.

Ukupna cijena ponude ponuđača "HARFO-GRAF" d.o.o. Tuzla je 33.143,76 KM bez PDV.

Analizom pristigle ponude Komisija je konstatovala da je u ponudi "HARFO-GRAF" d.o.o. Tuzla kao jedinog ponuđača, ponuđena cijena koja je znatno veća od procijenjene vrijednosti javne nabavke kao i osigurana sredstva za ovu vrstu nabavke, te Komisija predlaže da se poništi postupak za nabavku usluga - pripreme, grafičke obrade i štampanja "Službenih novina Tuzlanskog kantona" u toku 2023. godine.

Imajući u vidu naprijed navedeno odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 dana od dana prijema iste.

Dostavljeno:

1. Ponuđačima
2. a/a



Sekretar
Skupštine Tuzlanskog kantona

Enisa Hasanagić
Enisa Hasanagić